

ZIX CTÁM BARRÍIL HAPÁHC

Chico Romero

Tíx óahhiha

Hántx mota hiz cujhca táax cuíhhaaha taax. Zíx cuique cáii Barríil hapáh zo toc tíih yoque. Tíx mos cuícqueeha tix. Zix isahíi ha zitcuáaho. Tíx isxéen itcuáaho. Zíx isahíi ha ziti cuímmaaha.

Hézziitmíssooj quij ihíin ac hézziiting cocáit quij xnai icp fizc ac hézziitin ziti tij to cuíij. Hant táax congcáac quih tátxo íttii toi to ccuóiiha. Cócsar zit imíihhiha. Congcáac coi iti yáiiha. Congcáac chansáa hax tatxóax to ccuóiiha. Hast cáptj hapáh zo haa tapma ihíin acah iti téii yoque. Hant tá hac háaha. Óx tpactama to cuiyáii iti zíxah chítáaitoj íttii cotjx to ccuóiiha. Zíx cuicamipláa ziti cuímjiha.

Óx ipácta iti záah xah zo toc táppa hax tama cuám zo toc tij zíx cuique cai ctám áal quij tíixah Barríil impah. Tíixah toc tij záah cop iti cuiyáii hac zíx quih cuám quih quíccoot quih cóox cahx hax hípi itahit to cuihíij to cuihíij iti cuqxax xíccaa quih cuám xah zíx quih spáhhiiit ca tintica tcóó ihit táctin yoque Barríil quij cox itahit ma. Óx tpactama cuám quij téohhaa to cuihíij iti cócsar coi contíttaa cócsar ano tíhtin yoque.

Óx tpactama cócsar coi ano tafpma óx itaam téetee yoque cuám quij:

—¿Me áz ij cóhhaaya intóohha? óx itaam téetee yoque.

Óx tpactama ctám yacóxl tí quijah zíx quih cuám chánt chiti quih cóox cahx tcóómax hipí hóoxo tazoj cóox itahitmax zíx zitcuáhit zix isíhhiit ta zitcuáa psáac toxi táaxaho cötpactama téohhaa téetee yoque cuám quij.

Óx tpactama cócsar coi xíccaa hapázniij cátxo pac toc toima zix hóx quissooj ziti tpaquing cuám ti quij cötahcónxot yoque. Cuitacóonneec óx itaam téetee yoque cuám quij. Ziscuáhhiiit ta

ítáai yoque. Barríil hapáh quij tíx cöspámjc tíx cuisíimjc ta itáai téetee yoque.

Óx tpactama haa mihóozzii cah cuitámjc yoque. Zíx chitahitíi to ccuíijiha xo cuimíimjc. Cuitámjcma itóocta hax ta íissaax hant tóit xah tamoz óx téé yoque:


—Me cuáaccooj chánt chiti quíij taax ipáii chimmíyyaa téé yoque.

Zíx quih cuisíihhiit ta hac oo cötpah xah tamoz ócqueeha Barríil quíijaha.

Óx tpactama tótj hax ta itáhhiitin to cuihíij to cuihíij iti cóox itáhhiit yoque. Cóoxah itahit to cuihíij iti aamóo xah tazquimma Barríil quij óx téé yoque:

—¡Hisxéen ac hax xóonlojo! ¡Hisxéen ac hax tóii tpot hax xóonlojo! óx téé yoque.

Táaxah cuihíij iti cuáax hax íppaaco cotama cuáax yáx quij cuihíix ac hax íppaaco cuíhhaa cah cuáax cólx iquisax imáa hax tahíi hax tama íssaax quihíih quih cötcam mos icapíttool táax cháa hax tahíi hax máa xo íssooj quij cuismíipla táaxo iti cötpacta to ccuíijiha.



Ox ipácta to cuihiij iti hánt icom itcuaqa mos icáattaaje itcuaqa óx ipácta iti yáx quij zix ánni icóopxoj itmis hax íppaaco cóttaa yoque. Ox ipácta iti yáx quih hánso cuit cuitaai íttii tijma yasxáacö quih cuixátcaj ac an iti cötázx yoque.

Íttii cötazx tmaacooj hax ta íttii tahcama itóozj chánnoo mota hápx tiyatma Barríil quij óx téé yoque:

—Ihazim hássaa xaha tamoz ihyáx quih cuipátj hiz ac íttii cökóozx. Óx spáctaha. Sahzáplimaha. Poo cáaccooj com hant tá hac íttii cötazx xox tahzáplimax tíippeema sahzáplim ha téettee yoque.

Ox ipácta iti itóozj tintica hax íppaaco cóttaa yoque. Ox ipácta iti itóozj quij tcóó hápx tihma hacx tmíih yoque Barríil com.